

清・陳鶴撰

清嘉慶間著者手稿本 楷書

讀書改過齋叢錄

不分卷

文海出版社有限公司印行

讀書改過齋叢錄不分卷

清陳鶴撰 清嘉慶間著者手稿本 楷書

此稿爲著者日記。始於乾隆四十五年正月，止於嘉慶十五年十二月，按年逐月記載。舉凡陳氏所撰詩文、信札、讀書心得及日常瑣務，無所不包，又追記少小時事於卷首。全編楷書工整，秀美有力。前有清李榮序，後有鄭士超題辭，沈辰吉、劉榮桂、陳應元、王鴻、孔憲彝、吳雲等觀款。鈐有王殷泉朱文「王氏二十八宿研齋秘笈之印」。

著者字稽亭，籍蘇州，乾隆五十七年舉於鄉，嘉慶元年成進士，授工部主事，服官京師十餘年。晚年館於江寧藩署，兼主講尊經書院，詩文皆有法度，均按年月錄入。於並時師友同寅遭遇之盛，往還之迹，尤言之瑣瑣，足爲考訂乾嘉間人物掌故之助。

序

昔予與溪堂先生同登庠序訂知交三十年學問淵深性情醇厚粹然儒者也先生世居蘇之大姚村代有令德教子孫讀書敦本先生屢躋場屋恬然安命令嗣嵇亭壬子捷於鄉丙辰成進士官虞部今春相見於京師笑言舉動宛如溪堂古人所云如逢故友良不虛也以溪堂先生之學問人品而不過於時所謂不於其身必於其子孫矣因索嵇亭著作而讀之其於經史也考訂詳明折衷盡善雜著又復縱橫變化出入歐蘇之門而詩古發抒性靈不失溫柔敦厚之旨名之曰叢編非務多也蓋觀其聚也夫著作之事固難言矣苟非家學淵源醞釀深厚鮮有能博大而昌明者嵇亭之學有根柢皆溪堂先生之教也予既不獲見老友而見嵇亭得以朝夕話舊談詩論文亦予之幸也夫

嘉慶己未仲冬同學世弟李森拜序

讀書改過齋叢錄

余始館杏花春雨樓日記瑣務以自考覈後又補記少小時事及所爲詩古文積久遂多嘉慶二年秋攜家北上由邗溝達潞河舟行頗暇復補綴所嘗塗竄處成一編焉稽亭記

乾隆二十二年丁丑九月十七日卯時余生於孟簪坊祖居之墨妙齋

本生先祖取明林脩撰大欽之名命之今名鶴初生善病得嗽疾至屢瀕於危期年始愈暨乎能言本生府君口授杜詩數章枕上喃喃成誦

乾隆三十年乙酉余九歲從本生府君讀書於虹橋陸氏行素堂

始受四子書燈下課唐詩余尤喜讀史架有于穀山所節鳳洲綱鑑暇卽披閱

八月二十三日本生祖卒十二月某日暨本生祖母合葬於硯山祖塋諸學士廷璋撰墓志銘

遺訓曰孝友爲立身之大端廉介爲立品之大節吾承先人之志不敢不勉而今而後汝曹勗諸

乾隆三十二年丁亥余年十一

先府君卒於是年十二月七日

乾隆三十三年戊子余年十二八月二十三日本生母卒

先慈事舅孝故本生祖頗鍾愛鶴嘗曰此孝婦之子庶大吾門

乾隆三十四年己丑余年十有三九月出為先府君後元日祖卒

余是時讀書行素堂易書禮春秋左氏傳以次卒業復粗記史漢唐宋大家之文及明人制義二百餘首遂執筆為文矣迨出嗣之議定而家難隨作假館受業竟多寒暴既而歸依所生思欲復理舊學患難如故由此蹉跎此半生恨事無從追補所以百不如人非盡關鈍拙也

乾隆三十五年庚寅余年十四從徐爾毅先生受詩於北街蔣氏借綠堂乾隆三十六年辛卯余年十五讀書於唐思誠母舅山居之自求堂

賦得菊殘猶有傲霜枝 幾處園林半夕陽固窮留得一枝黃乍疑瞥見神偏淡每訝重逢氣倍揚寂々秋容遲老圃稜々晚節關嚴霜綠知陶令歸來日采向東籬興未忘

是歲又有哭世父敬菴府君及裕昆母舅二詩今不錄世父每家居輒聚子弟使錯舉經義互相質難或做孔門言志余願為志節士世父大笑世父著述甚富余間請受一編世父顧而歎曰子弟當如此矣

乾隆三十八年癸巳余年十七讀書墨妙齋始應吳邑童子試 廩保范

聲谷先生

履歷書本生三代名諱 考名士俊

五月初八日縣試

題

則以學文至

雖曰未學

經題關

五月鳴蜩

得鳴字

五言六韻

六月

十一日府試

長兄貢南陸嵩士同寓花街巷張氏

題

邦君為兩君之好

經題關

高樹早涼歸得涼字

九月

廿二日學院試

從兄耀寰聲昭鈕奉裁同赴崑寓青雲城倪家

題

母命之

君視之

父作之

六二之動

賦得平仲君薨得枯

字五言韻

余嘗聞先輩多以通場卷獲雋者效顰為之或以違例惜我然固不成
文未得遽為屈也是歲始於城東月聲菴會課

乾隆三十七年

甲午余年十有八讀書盡簪坊墨妙齋有雜文一首

冒雨遊虎邱序

甲午之秋九月上泚陳子偕其兄秀巖蘭坡將尋登

高之約選勝於虎邱微風夜起細雨朝零清興勃發不復可遏相與載
簑笠攜筆硯欣然就道由白公堤過青山綠水橋攀柔枝扶石磴履千

人之坐訪回仙之逕已登千頃雲之巔矣耳內松濤竹韻蕭疎欲絕劍

池鐵華巖之水波又相與贈荅徘徊之際輒有所思昔駱賓王冒雨尋

菊偶為其事而後人以為美談遂古今豈遠無義烏之高情將來
不章耶抑人品不足以傳而事亦泯沒耶況茲山名勝甲於吾郡而綺
羅簫管頗復為玷此之勝遊其又可忘耶俄而白雲滿塢夕照凌波飛
鳥歸巢孤舟返棹亦天然秋山晚霽圖也逍遙至夜樂幾忘歸因各為
詩以紀其事而余為之序云

十二月廿六日應長邑試 考名雲鳳 康保李葵陽先輩 同沈表文

晚如寓鈕家巷張氏

題 有斐君子今者君子學以聚之二句 膏澤多豐年得徽字

乾隆四十年庚戌年正月十九日府試始從學文於族父漁莊先生正月府試

題 紅紫雲行雨施二句 山春雪作花得花字

三月初七日院試 同蔣表文瞻蓼貢耀聲三兄赴崑寓通和橋唐家

題 有餘師鳴鶴在陰二句 仁者壽得童字

時家難甫定補苴日急又三喪未舉前祖妣權厝未塋余日夜焦灼本
生府君見其羸瘠以書戒曰勿憂患以傷生勿飢渴以害心勿憧擾以
墮業勿馳騖以弋名是歲讀書丁香巷半舫月聲菴及城東大智寺
仁壽堂會課始交於臻百潘坤維陶心傳程郁倫諸君

讀書日劄序 嘗遊神於虞夏商周之上夢想夫東西南朔之遠放之
則治平卷之則格致登高山而望遠對孤影以自傷中夜起歎慨然渾
下者久矣士不置身於前古後今間作自樹立計茫々天壤何以生為
古者男子生桑弧蓬矢六以射天地四方示有事也十五入大學致其
功也四十而仕徵其驗也夫秀靈之氣莫不稟之素位之行莫不願之
而為問三代而上孔子之門墻傳者幾人泯沒凡幾秦漢以降不朽者
何人所不朽者何事其他為世所遺而卓々自見者又幾何人而湮滅
不見者何可勝道嗟乎人生如寄荏苒須臾即身敗名沒悲夫悲夫余
生以來十有九年矣家故貧無藏書從事舉業不足以開拓心胸又不
能自奮飛以遨遊於世適家難學殖荒落者屢矣賢達之教頗多遺駘
忘駘駘之質知當無稱以沒世耳然用是懼東隅易逝桑榆恨晚爰立
此冊凡誦讀之際少有所得輒自札記聊以備遺忘資問辨庶幾沒齒
不終為天壤間棄物耳先儒有言勿迂儒勿腐儒經術以經世余雖下
愚頗志於此然言之不怍為之也難過此以往未之知也雖然使余淪
落韋布終無所表見於世則草木同腐此書猶當費吾志以不沒也夫
乾隆四十一年^{丙申}三月某日同蔣俊伯寓太平街張氏應長邑科試 考名

鈺 康保張南陔前輩

題 子路問成人 言行君子之樞機 詩題闕

覆試題 禮也至禮也 賦得春城月出人皆醉不拘體

六月廿九日府覆試補正考 在糧廳署內考 宿心傳宅

題 民無能名焉 謙尊而光 賦得一葉報新秋得秋字五言六韻

先是余以負氣不復作文因而不與府試臻百極力勸駕為余經營補考事宜勉取一名為院試地雖不獲售厚意不忍沒也

九月十七日同隸百坤維赴崑余獨寓裡城河顧氏廿一日院試

題 人少 其旨遠其辭文 賦得鳳雛得清字褚明諧心傳同歸

是歲月聲卷會課

雜詩三首 昂二千里駒辱於奴隸手矯二雲中鳳駢死難驚後嗟人

生世間條若風過牖侯生老監門毛萍藏於酒不遇信陵君鄙薄掛人

口千歲萬歲後安知某與某 經義足千古雖蟲可漫言達意故所貴

論學重淵源吁咈堯舜朝誥詢孔孟門作者甚寥廓所著豈浪存恨不

起韓歐一與相談論 大節苟不虧細行或出入何如堅賢心跬步不

容失忠孝在一生平素所植立豈有歲寒時修行始汲二人道有其端

治生固所急環二市井求母乃不慎術所當勤與敏慎勿安與逸少壯
不再來思之增戰慄

對月憶臻百兼呈長兄 明月影纖纖照我碧紗窓可知枕流客同此
說清光臻百所居曰枕流書塾抗懷映讀者昂我母相忘

五人墓 義憤一朝激姓名已百年幾人虛黨籍之子竟流傳墓掩殘
生骨情深當代賢英風知尚在雲護斷碑前

劍池 應知霸業死還休埋劍空煩地下謀所恨三千埋未盡屬鏤又
作沼吳憂

幽獨君 半掩荆榛半白雲虎邱山北有孤墳吁嗟生世多淪落那問
當年幽獨君

是時坤維臻百無日不聚無聚不爲文或數行或數語頗有視全篇較
勝者惜不自收拾無從追憶片語矣此樂既不可常二君又皆下世何
必冷風黃葉始足愁人也耶

是歲秋日夢在長庠明倫堂試平定小金川賦中一聯云半夜襲蔡不
煩常侍良圖八日禽公差勝岳侯神算大爲主者所賞贈以書扇上有
絕句云崇霞臺上神仙客術辨癡龍藝最多盛德好將銀筆述麗辭堪

付雪兒歌

乾隆四十有二年丁酉余年二十一

十月五日合葬祖考前祖妣於硯山祖塋考妣葬未嫁先姑兆域之側賴懿戚欣助始克歲事焉

先祖考墓記 先祖考姓陳氏諱燦張字良友號忍伯世居蘇之長洲雍正中分長洲地置元和縣故先祖考爲元和人積學砥行言笑不苟於先世祠墓保護尤盡力由增廣生援例貢太學生於康熙五十七年九月二十八日卒於乾隆三十四年九月九日享年五十有二父太學諱樹璫府君母秦孺人配沈孺人張孺人子一卽先府君吳庠生庠諱廣勤先卒女二長亦先卒次適庠生胡璜先祖考始有子及先祖考卒而無子乃孫再從兄子元庠生名曾懋之次子鶴

沈孺人

欽旌孝子永吉公女及笄歸先祖考生於康熙五十年五月十八日卒於乾隆三年十一月十日享年二十有三乾隆四十年十二月丁酉嗣孫鶴謹奉靈匱合葬於吳縣十四都十三畝硯山鞠養宇圻祖塋之次先考府君祔焉別有記初先祖考病甚急於立孫甫立孫三日先祖考卒

有起而構費者風雨飄搖矣鶴之本生父不忍則堅辭而祖母堅不許然亦未得寧處六年難始稍定而家有七喪沈孺人權厝祖塋夫安窀穸驚奔走衣食朝夕不暇給倉卒襄事故不克求大人先生志銘仰惟先祖考潛德未曜尚冀立言君子表墓道以不朽感慕山邱嗚呼痛哉孫男鶴記愚再姪於福書諱

先府君墓記 府君姓陳氏諱廣勤字立勲吳庠生父增貢生諱燦張府君母沈孺人張孺人府君為張孺人出生於乾隆八年七月二日卒於乾隆三十二年十二月七日享年二十有五聘某氏未娶嗣子鶴於府君為同高祖兄之子府君資性開敏長於肆應為學尤刻苦講習往往徹夜張孺人有心痛疾府君籲天祈代府君歿而張孺人之患竟愈以故族長老尤痛惜焉府君墓以乾隆四十二年十月丁酉墓在硯山鞠養字圩祖塋之次從增貢府君兆感慕山邱嗚呼痛哉男鶴記愚姪於福書諱

先姑母墓記 嗚呼此余長姑母之所墓也姑母為增貢府君長女性婉順勤於女工許字馬某未行而卒年二十有七按家礼成人無後者祭終其兄弟之子之子曲礼女子許嫁笄而字說者以為許嫁有成人

之道矣又余家產已盡廢所賴以供祭祀者向所授姑母之舊田則姑母之封兆尤宜慎保之也墓在硯山祖塋增貢府君墓之東少南數武姪鶴記

十一月一日長兄聲兄同宿舍間二日應元邑試自此始考名人鏡

廩保王康侯先生

題 樊遲從遊於舞雩之下一節 經題詩題並闕

十二月初三日盍簪坊宿初四日府試

題·寬 經題關 賦得六出北堂年得豐字五言六韻

覆試題 十二月至 君子平其政 賦得清如玉壺冰得清字六韻

是歲白塔子巷吳氏校經州廬會課有雜文五首今不錄已後不記

贈郁倫二首時程將有桐鄉之行 子長生龍門耕牧河山陽弱冠去

故土杖策走四方南遊涉江淮泛舟沿瀟湘北造燕趙間交遊多慨慷

丈夫故有志安能故老故鄉如何讀書士藉口卷而藏所以見既不廣

何以能文章以此愧知己俯仰增傍徨 程子粹養士藹然其可親結

交遊三載意氣彌復真今邇忽辭去逝將有遠行此行亦非久秋還去

當春贈君無別言如餐勵昏晨詩書具在茲簡編願時陳遊覽得奇氣

刮目慰良朋無爲采蕭歎貽識兒女情

大姚祭始祖墓文 於惟始祖肇我族譜孝感慈烏風追先古顯二
世用光我家典型里閭嘯傲煙霞遐哉贈公泥塗軒冕顏氏能藏蓬環
可卷四世繼述維義維仁維不忤物義不失身蓄之也厚寸累銖積發
之也長服疇食德如彼河水出於崑崙孰衍其流而忘其源霜露既降
予子孫心惕爰潔粢醴爰薦馨鬯陳湖之濱大覺之傍儼乎有見子孫
之將尚饗

硯山祭山神文 山有廬神居之山有墓神護之山有松柏神使無翦
伐松柏既叢墓池既崇旨酒嘉肴敬報神功尚饗

乾隆四十三年戊戌余年二十二課徒孟簪坊兄子德舉從余學

韓蘄王墓 青城草枯宋祚圯鐵騎長驅禍未已將軍挺生安危擔手
扶江水限北南宵碑巍二蔽雲日大書韓王戰陣績遺言千載仰高風
自古爲臣豈諱忠王遺訓我名世忠子孫毋諱忠字

三月初四日院試 學臺諸城劉公名壩係第二任

題 猶水之就下至鷗也 六二之動二句 翡翠戲蘭苕得金字

是考也余同瞻蓼丈長兄聲兄寓新邑前顧家長兄於是乎獲雉焉

四月二十九日本生府君卒遺命年弟雲孫依鶴於半舫
乾隆四十四年己亥余年二十三始館虹橋陸氏杏花春雨樓
九月初七日同王紹曾貢曾補吳邑歲考 認保王繩孫先生
題 何晏也 咸其輔頰舌 賦得獲之桎桎得咸字

二十日府試 改認凌少穎先生

題 仲弓問仁 君子以自強不息 賦得垂虹秋色滿江南得虹字
十月某日同崧士赴崑寓東南門柏家考詩古

題 恭和

御製安期棗元韻 余考後復歸營本生府君墓事十五日同瞻蓼丈再
往仍至崧士寓十七日正考

題 三軍可奪帥也一節 經題同府試 賦得明霞高可餐得霞字

是役也余持本生府君服既竟會紹曾昆仲自徐州旋里繩孫先生屬
吳邑主簿楊君同送應試然竟不得售劉公賢者交臂而失之者至再
命之窮也豈不信哉

是歲春夏以文就正于於靜遠先生 號堂亭 吳趨坊陸氏春暉堂會課
昭明選詩偶鈔序 鈔昭明文選詩共一卷夫詩所以言志二所不在

雖出之自己而可有可無同於未作苟志在此賦詩斷章猶將取所求焉況先得我心彰三者乎諸詩哀怨之音或所未免然哀而不傷怨而不怒未嘗乖於君子而其言志委婉披心腹而瀝肝膽矣揆諸後世豈無同心故吾以爲言之在人猶在己也讀古人書而不能求吾志是不信好古人也可以明吾志而不相引是自信自好之不篤也以其哀怨而棄之固也故復書其所以錄此書之意如此卷中以太沖詠史始以靖節先生詠貧士終又可以明吾志所在矣若夫言必已出而爭勝於字句之間此衒世而驚名也者之所爲余未暇出此也

與友人 前足下屬僕書金剛經數本僕重違足下意爲書一冊今足下乃謂僕可共談禪理此大不然古人關佛之書具在足下試取而讀之當不待僕之贅說矣今士大夫鮮有能爲昌黎程朱之學者朝夕營營大都皆謀利之心耳間有一二曠達之士號爲賢者則又雜以異學其實愈於言利之徒其間不能以寸也僕少承家學所聞者如此異日儻有所成就方思著一書以明辨之不容以是相浼且僕之長齋與佛氏絕相反足下乃援之而入於墨此不得不辨